

# 中國地方志集成

雲南府縣志輯 ⑦②

乾隆大理府志(二)

民國大理縣志稿(一)

鳳凰出版社 ● 上海書店 ● 巴蜀書社

# 大理縣志稿

敘一

大理為滇西名城自盛張受學蒙段遞  
王以來代有聞人彪炳史冊顧昔在明  
清郡志屢修太和首邑志獨闕如民國  
新制廢郡存縣邦人君子憾邑志之未  
修而數百年之文獻將無徵也兩年之

間聚數十人之心思才力而成此志本  
末巨細兼綜條貫其用力可謂勤矣近  
世學人馳域外之觀往往輕去其鄉或  
且務詆其鄉先達之陳迹以為快吾澳  
士風篤厚能愛其鄉而斯志也則尤於  
山川古蹟土宜物產與夫賢士大夫之  
流風遺韻拳拳如此鑒往以知來傳世

而行遠斷可識也夫述作之業與時推移莫為之後雖盛弗傳自頃艱大頻仍局態萬變邦人諸友其尚於昔日之名德碩學而思所以企及之今日之人心風俗而思所以進益之且擴其愛鄉之心而自愛國毋徒沾沾蒼洱間謂吾志已足也是尤余之所厚望已

中華民國五年十二月唐繼堯序

之也自我國興發於茲年間雖無遠  
風俗之明流以通於人且其效驗之  
益顯也此則所以今日之人心  
爲之動也蓋人爲其地其地曰  
詩詠之入後嗣發其輝煌大德也  
此乃國體之報也夫國之興衰繫於  
此

序二

周官小行人出使四方及命於王制以爲民利害及礼俗  
政教之類各爲一書名爲四物以獻於王而後內史  
外史小史之屬得所據依勒爲專書以備執政者  
之攷求因以窮利弊宣張弛焉其所繫顧不重  
哉後世脩方志者不察其源迺祖述班書視爲地  
理畧經之屬詳於輿畧而畧於掌故其好文者  
又偏重藝文掇辭採藻之徒充溢篇幅否則取  
胥吏書牘繁猥填并雜湊爲書皆失之也大理一邑  
據滇省之上游襟山帶河雄奇秀麗固西南一

考會也自漢永平中內屬置邑歷數千年以迄  
于茲其間成敗廢興曰革損益以及物產之殷  
阜人文之阜美至是次鑑戒有誦嘆其何限乃歷  
年滋多而為年紀表之書豈非一大缺憾耶辛  
亥反正民國始興大理以迤西重鎮左據右控率  
濟顛危也邑人士所極不能忘者至賢而才者以  
為不亟備表將各以有一方之史乘眾咸歸之於是  
區內別類分任纂輯逾年而為成初以稿求正於  
省長官能接不佞讀之當於體例部分小不商訂  
至大端固繁然有無竊於此不能無慨然也南阜

亥九月不任方監中紫於大理謀迪西人才之教育  
適值革命軍起邑紳謀設迪西自治機關部推不  
任推其成方是時內外推讓華夷騷勞幸賴邑中  
賢智盡心殫畫終保地方治安至於今固恬然哉  
或忘之是回憶風聲鶴唳居人洵之不任以地方  
之責輾轉籌維夜亦不寐猜忌甚反以爲而歸  
斃之艱苦孤危實終不免固未計及今日之雍容  
鉛槧爲得之諸君子商榷于几席間也後之覽是  
書者雖持或惶往之慨新派連於不置矧躬親  
歷之人生能想然也如君子居安樂不忘憂





昆弟一究地方利弊而卒以戎馬倥傯不能  
如願袁氏滅亡黃陂受任旋因長司法之命  
下電促再三月將休裝就道矣適鄉前輩  
諸公新纂大理縣志咸寄請省垣公署鑒之  
中宵公晒藉得披覽流連反復慨然如置身  
蒼海間凡髫齡時諸父所辟岬而詠者皆

一、印澄其如繪吾知大理未始不可於廿二  
省中占名邑之位置也雖然耀而猶有一言進  
者方今人類競爭適者生存以吾邑境域之

狹土脈之瘠賦額之重生齒之漸繁商情之不

振生計問題日窘一日使弗由澆返淳救奢以儉

更於實業教育加意振興不惟無以啓乃新機

兼忍失之故步究胡由競爭二十世紀之大舞  
台而卓然立於不敗也乎是則區區所冀望者  
賢之父老昆弟以為仁如

中華民國五年七月邑人張耀曾謹叙

一、時勢其也

新子船

PDC

#### 叙四

中華民國共和告成之歲邑之人士額手稱慶以為  
自今以始脫奴隸籍作主人翁永享莫大幸福矣於  
是相與議曰吾已志乘歲久失修已往者既廢興遷  
轉之莫稽現在者則改革建設之宜紀遂舉麟等數  
人任分纂之役顧麟不文曷克勝此然竊念老成凋  
謝後顧茫茫絕續攸關責將安諉用是不揣空疏從  
事諸君子後爰創新例大增舊文分門編纂地理一  
部李君子豫董君廣訓任之建設一部趙君舒怡任

之食貨一部張君肇榮任之祠祀一部李君文源王  
君巨卿任之至於任社交雜誌兩部者李君澡任學  
校選舉兩部者王君巨卿任最繁瑣之人物部者亦  
王君巨卿及楊君楷任武備部者楊君德溥他若藝  
文之去取則李君澡而楊君楷總其成焉麟所任者  
地志一部暨地理食貨社交三部中之各一部分耳  
編稿漸脫衆以為不能不有總纂以集其成也遂咸  
屬意於麟惟麟自審材力矧復多疾聘書屢頒再四  
迫之自至翌年衆又以麟之不肯獨任也乃並推楊

君楷既前縣知事虞舜知君則又薦李君文琴嗣復由公推叔兄宗瑩李君德徵同校正焉按郡志一纂於明洪武再纂於嘉靖三修於萬曆四修於清之康熙至若縣志自明季張相度纂之究無有繼其後者數百年來烽燧迭經故家零落藏棄散亡百不得一所幸者續修雲南通志時邑中曾設局採訪當日任其事者伯兄宗洛舊稿尚存大可根據而又有採訪諸君零帙搜羅更得補其缺畧耳獨是經濟困難為時雖已三年而度支金僅八百局中惟幹事書役支薪

纂修分纂咸盡義務以故同事諸君多以業務餘力  
兼及期限遂爾延長茲稿雖脫謬誤必多務就正魁  
士碩儒裁酌歸當至是麟乃敢告成書也然麟竊有  
感者鄉先達李中溪曰志也者採訪故實徵諸人事  
將施有政非徒作也吾邑地盡兩關小若彈丸土瘠  
賦重民困於農矣工藝既未改良商業日形窳敗城  
鄉學校雖立如林若論普及為途尚遠職此之故游  
民愈衆生計愈艱况復不知反求日更習於奢靡斯  
足數人民自治能力之薄弱有不必諱言之者嗚呼